

Danmarkimi Kalaallit Nunaannilu neqeroorutini ulloq unnuarlu najugaqarallarneq pillugu nalunaarut

Inatsimmik nalunaarut nr. 170, 24. januar 2022-imeersoq malillugu oqartussat isumaginninnermi sullissinerat pillugu inatsimmi § 196, imm. 2-p aamma inatsimmik nalunaarut nr. 265, 25. februar 2022-imeersoq malillugu, isumaginninnermut suliassaqarfimmi inatsisitigut isumannaatsuunissaq allaffissornerlu pillugu inatsimmi § 90, imm. 2-p aamma 3-p malitsigisaannik, [inatsisinik ataatsimoortitsissummi] § 2 nr. xx xx-imi allanngortinneqartumi, aamma Kalaallit Nunaanni Naalakkersuisut isumaqatigiinniarfigereerlugit, aalajangersarneqarpoq:

Immikkoortoq I

Aalajangersakkat aallarnersaataasut

Kapitali 1

Atuuffia

§ 1. Nalunaarummi matumani immikkoortoq 2 aamma 4, ima pisoqartillugu atuutissapput:

- 1) innuttaasumut, Kalaallit Nunaanni najugaqartutut nalunaarsorneqarsimasumut, Danmarkimi ulloq unnuarlu najugaqarallarnissamik neqerooruteqarnissamik Kalaallit Nunaanni kommunalbestyrelse aalajangiippat,
- 2) meeqqamik 18-it inorlugit ukiulimmik, Kalaallit Nunaanni najugaqartutut nalunaarsorneqarsimasumik, Danmarkimi neqeroorummi inissiinissamik Kalaallit Nunaanni kommunalbestyrelse aalajangiippat,
- 3) innuttaasumut, Danmarkimi najugaqartutut nalunaarsorneqarsimasumut, Kalaallit Nunaanni neqeroorummi ulloq unnuarlu najugaqarallarnissamik neqerooruteqarnissamik qallunaat kommunalbestyrelsiat aalajangiippat, imaluunniit
- 4) meeqqamik 18-it inorlugit ukiulimmik, Danmarkimi najugaqartutut nalunaarsorneqarsimasumik, Kalaallit Nunaanni neqeroorummi inissiinissamik qallunaat kommunalbestyrelsiat aalajangiippat.

Imm. 2. Meeqqamut 18-it inorlugit ukiulimmut angajoqqaatut oqartussaasoq, meeqqamut § 1, imm. 1-imi, nr. 2-imi imaluunniit 4-imi ilaatinneqartumik aalajangiisoqarsimatillugu, neqeroorutip meeqqap inissinneqarfigisimasaata inissisimaffigisaani, najugaqartutut nalunaarsorneqarpat, nalunaarummi matumani immikkoortoq 2-mik atuineq atorunnaassaaq. Meeqqap angajoqqaavi ataatsimoorussamik angajoqqaatut oqartussaassuseqarpata, angajoqqaatut oqartussaasuusoq, meeqqap inissinneqarnera sioqqullugu kingusinnerpaamik najugaqarfigisimasaa, nunami neqeroorutip inissisimaffigisaani najugaqartutut nalunaarsorneqarpat, oqaaseqatigiit siulliit atorineqassapput.

Imm. 3. § 1, nr. 2 malillugu meeqqamik inissiinissaq aalajangerneqarsimappat, aamma aalajangersakkami matumani imm. 1-imi pineqartutut angajoqqaatut oqartussaasoq Danmarkimi najugaqartutut nalunaarsorneqarpat, qallunaat kommunianni kommunalbestyrelsip, isumaginninnermi suliassaqarfimmi inatsisitigut isumannaatsuuneq allaffissornerlu pillugu inatsimmi § 9 a malillugu ikiuinissamik pisussaaffeqartup, inissiineq pillugu aalajangiinissaata tungaanut, meeqqap inissinneqarnissaa pillugu Kalaallit Nunaanni oqartussaasunit aalajangiinerit suli atorineqassapput.

§ 2. Innuttaasoq Kalaallit Nunaanni pinerluttulerinermi inatsimmi kapitali 33 malillugu pineqaatissinneqarsimappat, aamma tamanna tunngavigalugu Kalaallit Nunaanni pinerluttulerinermi inatsimmi § 240, imm. 2 malillugu Kalaallit Nunaanni isumaginnittoqarfimmit Danmarkimi neqeroorummi inissinneqarsimappat, nalunaarummi matumani immikkoortoq 3 aamma 4 atorneqassapput.

§ 3. Ilaqutariit, ataatsimik arlalinnilluunniit 18-it inorlugit ukiulinnik meerartallit imaluunniit angajoqqaanngortussat manna tikillugu Danmarkimi najugaqartutut nalunaarsorneqarsimasut, Kalaallit Nunaanni najugaqartutut nalunaarsorneqarpata, nalunaarummi matumani immikkoortoq 5 atorneqassaaq.

Immikkoortoq II

Isumaginninnermi inatsisit malillugit ulloq unnuarlu najugaqarallarnert inissiinerillu

Kapitali 2

Nassuiaatit aamma ulloq unnuarlu najugaqarallarnernik imaluunniit inissiinernik pilersitsinerit

§ 4. Nalunaarummi matumani immikkoortoq 2-mi aamma 4-imi kommunitut aalajangiisuusutut paasineqassaaq kommune, § 5, imm. 1, imaluunniit § 6, imm. 1 malillugu innuttaasumut Danmarkimi Kalaallit Nunaanniluunniit neqeroorummi najugaqarallarnissamik neqerooruteqarnissamik aalajangiisuusoq, imaluunniit § 5, imm. 2 imaluunniit § 6, imm. 2 malillugu Danmarkimi Kalaallit Nunaanniluunniit meeqqamik 18-it inorlugit ukiulimmik inissiinissamik aalajangiisuusoq.

Imm. 2. Nalunaarummi matumani immikkoortoq 2-mi aamma 4-imi kommunitut tiguisutut paasineqassaaq kommune, kommunitut aalajangiisuusup Danmarkimi Kalaallit Nunaanniluunniit innuttaasumik § 7 malillugu neqeroorummi tigusinissamik isumaqatigiissusiorfigisimasaa.

Aalajangiineq

§ 5. Innuttaasumut Kalaallit Nunaanni najugaqartutut nalunaarsorneqarsimasumut, Danmarkimi tulliuttuni najugaqarallarnissamik neqerooruteqarnissamik Kalaallit Nunaanni kommunalbestyrelse aalajangiisinaavoq:

- 1) Oqartussaasut isumaginninnermi sullissinerat pillugu inatsimmi §§ 107 aamma 108 malillugit najugaqariaatsini.
- 2) Oqartussaasut isumaginninnermi sullissinerat pillugu inatsimmi § 192 malillugu paaqqutarisariaqartut angerlarsimaffianni.
- 3) Inissat nalinginnaasut il.il. pillugit inatsit malillugu utoqqaanerusunut nalinginnaasumik inissiani.
- 4) Nr. 1 aamma 2 malillugit inissianut najugaqariaatsinullu neqeroorutitut taarsiunneqarsinnaasunut aamma naligiissinneqarsinnaasunut.

Imm. 2. Meeqqamik 18-it inorlugit ukiulimmik, Kalaallit Nunaanni najugaqartutut nalunaarsorneqarsimasumik, oqartussaasut isumaginninnermi sullissinerat pillugu inatsimmi § 66 malillugu Danmarkimi inissiinissaq pillugu Kalaallit Nunaanni kommunalbestyrelse aalajangiisinaavoq.

Imm. 3. Neqeroorutit suussusaannut pineqartunut imaluunniit Kalaallit Nunaanni inatsisit malillugit neqeroorutit suussusaasa assinginut najugaqarallartitsinissaq imaluunniit inissiinissaq pillugu aalajangiinissamut Kalaallit Nunaanni inatsisitigut piumasaqaatit

naammassineqarsimappata, Kalaallit Nunaanni kommunalbestyrelse taamaallaat imm. 1 aamma 2 malillugit aalajangiisinaavoq. Aammattaaq neqeroorutit suussusaannut pineqartunut najugaqarallarnissamut imaluunniit inissiinissamut qallunaat inatsisaanni piumasaqaatit naammassineqarsimappata, Kalaallit Nunaanni kommunalbestyrelse taamaallaat imm. 1 aamma 2 malillugit aalajangiisinaavoq. Kalaallit Nunaanni inatsisit malillugit aalajangiisoqassaaq. Taamaattoq pisartakkat qallunaat inatsisaat malillugit neqeroorutigineqanngitsut pillugit aalajangiisoqarsinnaanngilaq.

Imm. 5. Imm. 1, 2 aamma 4 malillugit aalajangiinerni, Kalaallit Nunaanni inatsisit qaqugukkulluunniit atuuttut malillugit, sulianik suliarinnittarneq aamma naammagittaalliuteqarsinnaaneq pillugit malittarisassat atorineqassapput.

§ 6. Innuttaasumut Danmarkimi najugaqartutut nalunaarsorneqarsimasumut, Kalaallit Nunaanni tulliuttuni najugaqarallarnissamik neqerooruteqarnissamik Danmarkimi kommunalbestyrelse aalajangiisinaavoq:

- 1) Inuit innarlutillit tapersorneqarnissaannut Inatsisartut inatsisaat malillugu najugaqatigiiffinni, najugaqarfinni illersugaasuni aamma ulloq unnuarlu neqeroorutini.
- 2) Utoqqarnik paaqqinniffiit pillugit Inatsisartut peqqussutaa malillugu utoqqarnik paaqqinniffinni.

Imm. 2. Meeqqap 18-it inorlugit ukiullip, Danmarkimi najugaqartutut nalunaarsorneqarsimasup, Meeqqat tapersorneqarnissaannut Inatsisartut inatsisaat malillugu Kalaallit Nunaanni ilaqutariinni paarsisartuni imaluunniit ulloq unnuarlu paaqqinnittarfinni inissinneqarnissaa pillugu qallunaat kommunalbestyrelsiat imaluunniit meeqqanut- inuusuttunullu ataatsimiititaliaat aalajangiisinaavoq.

Imm. 3. Neqeroorutit suussusaannut pineqartunut imaluunniit Danmarkimi inatsisit malillugit neqeroorutit suussusaasa assinginut najugaqarallartitsinissaq imaluunniit inissiinissaq pillugu aalajangiinissamut oqartussaasut isumaginninnermi sullissinerat pillugu inatsimmi piumasaqaatit naammassineqarpata, taamaallaat imm. 1 aamma 2 malillugit aalajangiisoqarsinaavoq. Aammattaaq neqeroorutit suussusaannut pineqartunut najugaqarallarnissamut imaluunniit inissiinissamut Kalaallit Nunaanni inatsisini piumasaqaatit naammassineqarsimappata, taamaallaat imm. 1 aamma 2 malillugit aalajangiisoqarsinaavoq.

Imm. 4. Imm. 1 imaluunniit 2 malillugu aalajangiinermut atatillugu, neqeroorummi sullissinerit suut innuttaasup tigussaneraq pillugit, qallunaat kommunalbestyrelsiat aalajangiisinaavoq. Aalajangiineq qallunaat inatsisaat malillugit aalajangerneqassaaq. Taamaattoq pisartakkat, Kalaallit Nunaanni inatsisit malillugit neqeroorutigineqanngitsut pillugit aalajangiisoqarsinnaanngilaq.

Imm. 5. Imm. 1, 2 aamma 4 malillugit aalajangiinerni, isumaginninnermik suliaasaqarfimmi inatsisitigut isumannaatsuuneq allaffissornerlu pillugu inatsimmi sulianik suliarinnittarneq aamma naammagittaalliuteqarsinnaaneq pillugit malittarisassat atorineqassapput.

Isumaqatigiissut

§ 7. Kommune aalajangiisuusooq, §§ 5 imaluunniit 6 malillugu aalajangiisimasooq, nunami allami innuttaasup neqeroorummi tiguneqarnissaa pillugu kommunimik tiguisussamik isumaqatigiissusiussaaq. Isumaqatigiissut isumaqatigiissutigineqarsimatinnagu neqeroorummi najugaqarneq aallartinneqarsinnaanngilaq.

Imm. 2. Imm. 1 malillugu isumaqatigiissut paasissutissanik tulliuttunik imaqassaaq:

- 1) Neqeroorut innuttaasup najugaqarallarfiissaa.
- 2) Najugaqarallernerup sivilisussisissaa.
- 3) Kommunip aalajangiisuusup kommunillu tiguisup suleqatigiinnissaanut piumasaqaatit.

- 4) § 8 malillugu iliuusissanut pilersaarut, matumani siunissami iliuusissanut pilersaarutip allanngortinneqarnissaanut sulisaatsinullu piumasaqaatit ilanngullugit.
- 5) § 9 malillugu kommunip tiguisup inummut sammititamik nakkutilliinera.
- 6) § 11 malillugu nalunaarusiat.
- 7) § 17 malillugu akiliineq, matumani piffissaq naatsorsuiffissaq pillugu isumaqatigiissut ilanngullugu.

Imm. 3. Kommune aalajangiisuusoq- aamma kommune tiguisoq § 8 malillugu iliuusissanut pilersaarut pillugu isumaqatigiissutigippassuk aatsaat, imm. 1 malillugu isumaqatigiissut isumaqatigiissutigineqarsinnaavoq. Pissutsit immikkut ittut piumasaqaatigippassuk, taamaattoq iliuusissanut pilersaarut pillugu isumaqatigiissusiortoqarsimangikkaluartoq, najugaqarallarnissaq pillugu utaqqiisaagallartumik isumaqatigiissusiortoqarsinnaavoq.

Imm. 4. Innuttaasup najugaqarallarnissaa pillugu, neqeroorummut aalajangersimasumut, kommunimit, nunap ilaani oqartussaasunit imaluunniit namminersortumit ingerlanneqartumut, kommune tiguisoq isumaqatigiissusiussaaq.

Iliuusissanut pilersaarut

§ 8. Innuttaasup neqeroorummi suliniutit tigusassai pillugit iliuusissanut pilersaarusiortoqassaaq.

Imm. 2. Sullissinerit suut innuttaasup neqeroorummi tigusassanera, iliuusissanut pilersaarummi takuneqarsinnaassapput.

Imm. 3. Iliuusissanut pilersaarummut missingiut kommunip aalajangiisuusup kommunimut tiguisussamut nassiutissavaa. Iliuusissanut pilersaarut kommune aalajangiisuusoq suleqatigalugu kommunip tiguisussap naammassillugu suliarissavaa. Iliuusissanut pilersaarut inaarutaasoq, kommunimi aalajangiisuusumi kommunalbestyrelsimit akuersissutigineqassaaq.

Kapitali 3

Neqeroorummi najugaqarallarnep nalaani Nakkutilliineq

§ 9. Piffissami innuttaasup neqeroorummi najugaqarallalernerata aallartiffianiit, kommune tiguisoq inummut sammititamik nakkutilliinermik ingerlatsissaaq.

Imm. 2. Imm. 1 malillugu nakkutilliineq, nunami, kommunip tiguisup inissisimaffigisaani, inummut sammititamik nakkutilliineq pillugu malittarisassat malillugit ingerlanneqassaaq.

Nalunaarutiginnineq

§ 10. § 9 malillugu nakkutilliinermiut atatillugu imaluunniit allatut ililluni suliniut aallartinneqarsimasoq siunertaminik naammassinninngitsoq kommunip tiguisup paasiguniuk, imaluunniit tunngaviit allat tunngavigalugit suliniutip innuttaasup pisariaqartitaanik naammassinninnissaa ilimaginngikkuniuk, kommunip tiguisup kommune aalajangiisuusoq nalunaarfigissavaa.

Nalunaarusiaq

§ 11. Minnerpaamik ukiumut ataasiarluni kommune tiguisoq innuttaasoq pillugu kommunimut aalajangiisuusumut nalunaarusiamik tunniussissaaq, taamaattoq imm. 2 takuuk.

Imm. 2. Meeqqanut 18-it inorlugit ukiulinnut, kommune tiguisoq ukioq affakkaarlugu nalunaarusiamik tunniussisassaaq.

Imm. 3. Imm. 1 imaluunniit 2 malillugu nalunaarusiaq innuttaasumut pissutsit pillugit paasisutissanik imaqassaaq, matumani pissutsit allanngorneri, suliniutit sullissinerillu innutaasup tigusiai, kiisalu kommunip tiguisup innuttaasumut sammititamik nakkutilliinera ilanngullugit.

Imm. 4. § 7 malillugu nalunaarusiap imm. 1-imi aamma 2-mi taaneqartunit akulikinnerusumik pisarnissaa kommunip aalajangiisuusup- aamma tiguisup isumaqatigiisummi taasinnaavaat.

Pissaanermik atuineq il.il.

§ 12. Nunami kommunip tiguisup inissisimaffigisaani, inatsisini aalajangersakkat malillugit taamaallaat pissaanermik atuisoqarsinnaavoq imaluunniit allatigut akuliuttoqarsinnaavoq.

Imm. 2. Pissaanermik atuineq pillugu inatsisini atorneqartussani kommunalbestyrelse pissaanermik atuinissaaq pillugu aalajangiisinaanatitaanermik piginnaasaqarpat, kommunimi tiguisumi kommunalbestyrelse aalajangiinissamat piginnaatitaavoq, taamaattoq imm. 3 takuuk. Taamatut aalajangiineq pillugu kommune tiguisoq piaarnerpaamik kommunimut aalajangiisuusumut ilisimatitsissaaq.

Imm. 3. Kommune aalajangiisuusoq aamma kommune tiguisoq, imm. 2-p tamakkiisumik ilaannakoortumilluunniit avaqqunneqarsinnaanera pillugu § 7 malillugu isumaqatigiisummi aalajangiisinaapput.

Suliniummi allannguinerit

§ 13. Kommune tiguisoq isumaqatigiissusiorfigalugu kommunip aalajangiisup innuttaasumut suliniutit allanngortinneqarnissaat aalajangiiffigisinnaavaa. § 8 malillugu iliuusissanut pilersaarummut allannguutit naapertuutinngippata, nutaamik iliuusissanut pilersaarusiortoqartinnagu allannguutit aallartinneqarsinnaanngillat.

Imm. 2. Imm. 1 malillugu aalajangiinerit, nunami kommunip aalajangiisuusup inissisimaffigisaani inatsisit malillugit aalajangiiffigineqassapput. Taamaattoq pisartakkat nunami kommunip tiguisup inissisimaffigisaani inatsisit malillugit neqeroorutigineqanngitsut pillugit aalajangiisoqarsinnaanngilaq.

Imm. 3. Kommunip tiguisup innuttaasup neqeroorummi najugaqarallanera pillugu kommune aalajangiisuusoq sinnerlugu kommunip tiguisup aalajangiisinaanera, § 7 malillugu isumaqatigiisummi kommunip aalajangiisuusup kommunillu tiguisup aalajangersinnaavaat. Oqaaseqatigiit siulliit malillugit aalajangiineq, nunami kommunip tiguisup inissisimaffiani inatsisit malillugit aalajangerneqassaaq.

§ 14. Innuttaasup isumannaatsuunissaanut peqqissuunissaanulluunniit pissutsinik aarlerinartoqarpat, imaluunniit innuttaasup maannakkorluinnaq tapersorsorneqarnissamik pisariaqartitsineranut pingaarutilimmik sunniuteqassappat, kommune tiguisoq utaqqiisaagallartumik innuttaasumut suliniutip allanngortinneqarnissaanik aalajangiisinnaavoq. Utaqqiisaagallartumik aalajangiineq taanna nunami kommunip tiguisup inissisimaffiani inatsisit malillugit aalajangerneqassaaq.

Imm. 2. Kommunip aalajangiisuusup § 13 malillugu aalajangiisinaanera siunertaralugu, kommunip tiguisup pisariaqanngitsumik kinguarsaanani kommune aalajangiisuusoq imm. 1 malillugu utaqqiisaagallartumik aalajangiineq pillugu nalunaaruteqarfigissavaa.

Imm. 3. Imm. 1 malillugu aalajangiineq, piffissamat kommunip aalajangiisuusup § 13 malillugu aalajangiinissaata tungaanut atuutissaaq, imaluunniit § 15 malillugu aalajangiinerup malitsigisaanik

piffissamut innuttaasup neqeroorummi najugaqarallarnerata atorunnaarsinneqarnissaata tungaanut atuutissalluni.

Imm. 4. Utaqqiisaagallartumik aalajangiinernik, imm. 1-imi aalajangersarneqarsimasunit annertunerusunik kommunip tiguisup aalajangiisinaanera § 7 malillugu isumaqatigiisummi kommunip aalajangiisuusup- aamma kommunip tiguisup aalajangersinnaavaat.

Unitsitsineq

§ 15. Innuttaasup neqeroorummi najugaqarallarnerata unitsinneqarnissaa kommunip aalajangiisuusup nunami inissisimaffigisaani inatsisit malillugit kommunip aalajangiisuusup aalajangersinnaavaa. Aalajangiineq kommunimi tiguisumi kommunalbestyrelsimut kommunip aalajangiisuusup pissutissaqanngitsumik uninnganani nalunaarutigissavaa. Nalunaarutiginninneq kommunimit tiguisumit tiguneqartinnagu innuttaasup neqeroorummi najugaqarallarnera unitsinneqarsinnaanngilaq.

Imm. 2. Unitsitsinissaq pillugu kommune aalajangiisuusup aamma kommune tiguisoq § 7 malillugu isumaqatigiisummi malittarisassanik ersarinnerusunik aalajangersaasinnaapput, matumani siumut ilimasaarinissamut piffissaliussat ilanngullugit. Nunami kommunip aalajangiisuusup inissisimaffigisaani ilimasaarisussaaneq pillugu aamma inatsisini malittarisassanik kinguartitsinermik kinguneqarsinnaasunik avaqqutsisunik, isumaqatigiisummi aalajangersakkanik aalajangersaasoqarsinnaanngilaq.

§ 16. Innuttaasup Danmarkimi neqeroorutaasumiitilluni, pineqaatissinneqarnissaraluamit atorunnaarsitsivigineqaruni pineqaatissiinermi inatsimmi § 16, imm. 1. punkt 2 naapertorlugu aalajangiiffigineqassaaq imaluunniit eqqartuussivik aaliangiippat inunnut tarnimikkut annertuunik innarluutillinnut ulloq unnuarlu inissiisarfimmut pineqaatissiinermut inatsimmi § 658 allassimasut naapertorlugit inissinneqassasoq imal. eqqartuussivik aaliangiippat taaneqartutut ittumut inuk pineqartoq inisseqqinneqassasoq pineqaatissiinermut inatsimmi § 69 malillugu, tak. § 68, taava kommuni tiguisoq inunnik isumaginninnermut sammisuni iluuseqartartunngortussaavoq, aporfuijunnaartilugit inatsitigut isumannaallisaanermut allaffissornermullu inatsimmut aaliangersakkat qanorluunniit imaqaraluarpata. Kommunilu tiguisoq isumaginnittussatut inissisimajualissaaq. inuk pineqartoq inissiami imal. allatut aqqissuussaasumi il.il najugaqarunnaarnissaata tungaanut, isumaginninnermut sammisunut atatillugu inatsitigut isumannaallisaanermut allaffissornermullu inatsimmi § 9 imm. 3, nr, 1-5-imi allassimasut naapertorlugit.

Kapitali 4

Akiliineq

§ 17. Innuttaasup neqeroorummi najugaqarallarnerani aningaasartuutit aamma innuttaasumut suliniuteqartoqarpat suliniutit kommunip tiguisup neqeroorummut akilissavai.

Imm. 2. Innuttaasup neqeroorummi najugaqarallarneranut aningaasartuutit inaarutaasumik kommunip aalajangiisuusup akilissavai, aamma § 7 malillugu isumaqatigiisummut aamma § 8 malillugu iliuusissanut pilersaarummut naapertuuttunik innuttaasumut suliniuteqartoqarpat, suliniutit akilissallugit. Aningaasartuutit kommunimit tiguisumit naatsorsorneqassapput akileqquneqassallutillu.

Imm. 3. Innuttaasup neqeroorummi najugaqarnera aamma innuttaasumut suliniuteqartoqarpat suliniutit, nunami kommunip tiguisup inissisimaffigisaani inatsisini malittarisassat malillugit naatsorsorneqassapput.

Imm. 4. § 13, imm. 3 malillugu kommunip tiguisup aalajangiisimaneranut kommune aalajangiisuusoq suliniummut allanngortinneqartumut akiliinissaminik pisussaaffeqarpoq.

Imm. 5. Suliniummut allanngortinneqartumut, kommunip tiguisup § 14 malillugu utaqqiisaagallartumik aalajangiiffigisimasaanut, kommune aalajangiisuusoq akiliinissaminut pisussaaffeqarpoq.

§ 18. Oqartussat isumaginninnermi sullissinerat pillugu inatsimmi imaluunniit taassuma malitsigisaanik malittarisassani atulersinneqartuni, pisassanik naalagaaffimmit utertitsinissaq pillugu aalajangersakkat, qallunaat kommuniannut, innuttaasumik Kalaallit Nunaanni neqeroorumi inissiisimasumut, atorneqassapput. Isumaginninnermut suliaasaqarfimmi inatsisitigut isumannaatsuunissaq allaffissornerlu pillugu inatsimmi § 85 malillugu naatsorsuutit saqqummiunneqarnissaannut kukkunersiorneqarnissaannullu pillugit malittarisassat, qallunaat aalajangiisuusutut kommuniannit malinneqarnissaat piumasaqaataavoq.

§ 19. Allaffissornermut aningaasartuutit kommunimit tiguisumit akilerneqassapput.

Kapitali 5

Angalanerit

§ 20. Kalaallit Nunaata Danmarkillu akornanni angalanerit pillugit kommune aalajangiisuusoq aalajangiisassaaq, matumani najorteqarnissaq pillugu angalanerit aamma innuttaasumut angalernermi aningaasartuutit ilanngullugit.

Imm. 2. Nunami kommunip aalajangiisuusup inissisimaffigisaani inatsisit malillugit imm. 1 malillugu aalajangiinerit aalajangerneqartassapput.

Imm. 3. Imm. 1 malillugu angalanernut aningaasartuutit tamakkerlugit kommuni aalajangiisuusup akilertassavai.

Immikkoortoq III

Pinerlunnermut inatsisit atortinneqarnerannut tunngasumik eqqartuussineq tunngavigalugu inissiinerit

Kapitali 6

Nassuiaanerit ilisimatitsinerillu

§ 21. Nalunaarummi matumani immikkoortoq 3-mi eqqartuussatut paasineqassaaq, inuk Kalaallit Nunaanni pinerluttulerinnermi inatsimmi kapitali 33 malillugu pineqaatissinneqarluni eqqartuunneqartoq, aamma Kalaallit Nunaanni pinerluttulerinnermi inatsimmi § 240, imm. 2 malillugu inissinneqarnera katsorsarneqarneralu isumaginnittoqarfimmit naammassineqartoq.

Imm. 2. Nalunaarummi matumani immikkoortoq 3-mi kommunitut angerlarsimaffigisatut paasineqassaaq, Kalaallit Nunaanni kommune, Kalaallit Nunaanni inatsisit malillugit eqqartuunneqarsimasumut ikiuuttussatut tapersersuisussatullu pisussaaffeqartoq.

Imm. 3. Nalunaarummi matumani immikkoortoq 3-mi kommunitut tiguisutut paasineqassaaq, qallunaat kommuniat, neqeroorutip eqqartuunneqartup inissinneqarfiata inissisimaffia.

§ 22. Neqeroorumi kommunimi tiguisumi inissisimasumi eqqartuunneqartoq inissinneqarpat, Kalaallit Nunaanni isumaginninnermut aqutsisoqarfik kommunimut tiguisumut ilisimatitsissaaq.

Eqqartuunneqartup neqeroorummi inissinneqarnissaa sioqqullugu piaarnerpaamik ilisimatitsineq pissaaq.

Kapitali 7

Isumaginninnermi inatsisit malillugit pisartagassat pillugit isumaqatigiissut

§ 23. Oqartussat isumaginninnermi sullissinerat pillugu inatsimmi § 108 malillugu eqqartuussap inissinneqarfiani neqeroorummi ulloq unnuarlu najugaqarallarnerup saniatigut eqqartuussaq isumaginninnermi inatsisit malillugit pisartagassanik pisariaqartitsippat, tamanna pillugu kommune angerlarsimaffiisooq kommunimut tiguisumut isumaqatigiissusiussaaq. Tamanna pillugu isumaqatigiissusiortoqartinnagu eqqartuussaq pisartakkanik tiguisinnaanngilaq.

Imm. 2. Neqeroorummi najugaqarallarnerup saniatigut pisartakkanik tiguisinissaq pillugu aalajangiinerit Kalaallit Nunaanni inatsisit malillugit aalajangerneqassapput. Taamaattoq qallunaat inatsisaat malillugit pisartakkat neqeroorutigineqanngitsut pillugit aalajangiisooqarsinnaanngilaq.

Imm. 3. Imm. 1 malillugu isumaqatigiissut paasissutissat tulliuttut pillugit imaqaassaaq:

- 1) Pisartakkat isumaqatigiissummi ilaatinneqartut.
- 2) Kommunip angerlarsimaffigisap kommunillu tiguisup akornanni suleqatigiinnissaanut piunasaqaatit.
- 3) § 29 malillugu akiliineq, matumani piffissaq naatsorsuiffissaq pillugu isumaqatigiissut ilanngullugu.

Imm. 4. Neqeroorutip eqqartuussamut pisartakkat tunniutissagai, kommunip tiguisup neqeroorummut eqqartuussap inissinneqarfianut isumaqatigiissuutigisinnaavai.

Kapitali 8

Neqeroorummi inissinneqarnerup nalaani

Nakkutilliineq

§ 24. Eqqartuussamut § 23 malillugu isumaqatigiissummi ilaatinneqartunik pisartakkanik tiguisartumut, kommune tiguisooq inummut sammititamik nakkutilliinermik ingerlatsissaaq. Piffissami eqqartuussap pisartakkanik tiguisineraniit nakkutilliineq ingerlanneqassaaq.

Imm. 2. Imm. 1 malillugu nakkutilliineq, inummut sammititamik nakkutilliineq pillugu oqartussat isumaginninnermi sullissinerat pillugu inatsimmi malittarisassat malillugit ingerlanneqassaaq, taamaattoq imaalillugu kommunimi tiguisumi kommunalbestyrelsip eqqartuunneqartumut neqeroorut pillugu aalajangiisimanissaanik piunasaqaat isiginiarneqassanani.

Nalunaarutiginninneq

§ 25. Pisartakkat aallartinneqarsimasut siunertaminnik naammassinninngitsut, imaluunniit eqqartuussap pisariaqartitaanik naammassinnissinnaannginnerisa allatigut tunngavissaqarnera ilimagineqarpat, § 24 malillugu nakkutilliinermut atatillugu imaluunniit allatut kommune tiguisooq paasitinneqaruni, kommunip tiguisup kommune angerlarsimaffigisap Kalaallit Nunaannilu isumaginninnermut aqutsisoqarfik nalunaarfigissavaa.

Pisartakkat allangortinneqarneri

§ 26. Eqqartuussap neqeroorummi pisartakkat tiguartagaasa allangortinneqarnissaat pillugit, kommune tiguisoq isumaqatigiissusiorfigalugu, kommune angerlarsimaffigisaq aalajangiisnaavoq.

Imm. 2. Imm. 1 malillugu aalajangiinerit Kalaallit Nunaanni inatsisit malillugit aalajangerneqassapput. Taamaattoq pisartakkat, qallunaat inatsisaat malillugit neqeroorutigineqanngitsut pillugit aalajangiisoqarsinnaanngilaq.

Imm. 3. Pisartakkat pillugit kommune angerlarsimaffigisaq sinnerlugu kommune tiguisoq aalajangiisnaasoq, kommunip angerlarsimaffigisap kommunillu tiguisup § 23 malillugu isumaqatigiissummini aalajangersinnaavaat. Oqaaseqatigiit suilliit malillugit aalajangiinerit qallunaat inatsisaat malillugit aalajangerneqassapput, aamma isumaginninnermut suliaasaqarfimmi inatsisitigut isumannaatsuunissaq allaffissornerlu pillugu inatsimmi sulianik suliarinninnermut naammagittaalliorsinnaanermullu malittarisassat atorneqassapput.

§ 27. Eqqartuussap isumannaatsuunissaanut peqqissuunissaanulluunniit pissutsinik aarlerinartoqarpat, imaluunniit eqqartuussap maannakkorluinnaq tapersorsorneqarnissamik pisariaqartitsineranut pingaarutilimmik sunnuteqassappat, kommune tiguisoq utaqqiisaagallartumik innuttaasumut pisartakkat pillugit, pisartakkallu allangortinneqarnissaannik aalajangiisnaavoq. Utaqqiisaagallartumik aalajangiineq qallunaat inatsisaat malillugit aalajangerneqassaaq, aamma isumaginninnermut suliaasaqarfimmi inatsisitigut isumannaatsuunissaq allaffissornerlu pillugu inatsimmi sulianik suliarinninnermut naammagittaalliorsinnaanermullu malittarisassat atorneqassapput.

Imm. 2. Kommunip angerlarsimaffigisap § 26 malillugu aalajangiisnaanera siunertaralugu, kommunip tiguisup pisariaqanngitsumik kinguarsaanani kommune angerlarsimaffigisaq imm. 1 malillugu utaqqiisaagallartumik aalajangiineq pillugu nalunaaruteqarfigissavaa.

Imm. 3. Piffissami kommunip angerlarsimaffigisap § 26 malillugu aalajangiinerata, imaluunniit pineqaatissinneqarnerup atorunnaarsinneqarnissaa imaluunniit allangortinneqarnissaa pillugu eqqartuussiviup aalajangiinerata malitsigisaanik eqqartuussap neqeroorummi najugaqarallarnerata unitsinneqarnissaata tungaanut, imm. 1 malillugu utaqqiisaagallartumik aalajangiineq atuutissaaq.

Imm. 4. Utaqqiisaagallartumik aalajangiinerinik, imm. 1-imi aalajangersarneqarsimasunit annertunerusunik kommunip tiguisup aalajangiisnaanera § 23 malillugu isumaqatigiissummi kommunip angerlarsimaffigisap- aamma kommunip tiguisup aalajangersinnaavaat.

Kapitali 9

Akiliineq

§ 28. Eqqartuussap pisartagaanut aningaasartuutit kommunip tiguisup akilissavai.

Imm. 2. Eqqartuussap pisartagaanut aningaasartuutit isumaqatigiissummi § 23-imut naapertuuttumik inaarutaasumik kommunimit angerlarsimaffigisamit akilerneqassapput. Aningaasartuutit kommunimit tiguisumit naatsorsorneqassapput akileqquneqassallutillu.

Imm. 3. Oqartussat isumaginninnermi sullissinerat pillugu inatsimmi malittarisassat aamma oqartussat isumaginninnermi sullissinerat pillugu inatsisaat malillugu pisartakkat neqeroorutillu ilaasa aningaasalersorneqarnissaat pillugit nalunaarummi kiisalu Pinerluttunik Isumaginnittut paaqqinniffiutaanni inuusuttut najugaqarallartinneqarnerat pillugit akiliisarneq pillugu malittarisassat malillugit, eqqartuussap pisartagaanut aningaasartuutit akilerneqassapput.

Imm. 4. § 26, imm. 3 malillugu kommunip tiguisup pisartakkat aalajangiiffigisai pillugit, kommune angerlarsimaffigisaq akiliinissaminik pisussaataivoq.

Imm. 5. Pisartakkanut, kommunip tiguisup § 27 malillugu utaqqiisaagallartumik aalajangiiffigisimasaanut, kommune angerlarsimaffigisaq akiliinissaminut pisussaaffeqarpoq.

§ 29. Allaffissornermut aningaasartuutit kommunimit tiguisumit akilerneqassapput.

Immikkoortoq IV

Isumaqatigiinnginnerit aalajangiiffigineqarnerat

Kapitali 10

Naammagittaalliorneq pillugu aqutsisoqarfiup piginnaasaqarnera

§ 30. Kalaallit Nunaanni oqartussat qallunaat nunaannilu oqartussat nalunaarut manna malillugu pisussaaffiit pillugit isumaqatigiinnginnerit Oqartussat isumaginninnermi sullissinerat pillugu inatsimmi § 196, imm. 3 malillugu Naammagittaalliorneq pillugu Aqutsisoqarfimmit aalajangerneqassapput.

Immikkoortoq V

Nalunaarutiginnittussaataaneq

Kapitali 11

Nuuttoqartillugu nalunaarutiginnittussaataaneq

§ 31. Ilaqtariit meeqqamik ataatsimik arlalinnilluunniit 18-it inorlugit ukiulimmik meerartakkt Danmarkimit Kalaallit Nunaannut nuuppata, aamma meeqqap immikkut pisariaqartitai eqqarsaatigalugit meeraq ataaseq arlallilluunniit tapersorneqarnissamik pisariaqartitsisut, qallunaat kommuniat qimataq isumaqarpat, qallunaat kommuniat qimataq tamanna pillugu Kalaallit Nunaanni kommunimut nuuffigisamut nalunaarutiginnissaq.

Imm. 2. Meeqqap inunngortussap, immikkut ittumik pisariaqartitsissaguni pisariaqartitsinissaata eqqarsaatigineqarnera pineqartillugu, imm. 1 taamatuttaaq angajoqqaanngortussanut atuutissaaq.

Imm. 3. Imm. 1 aamma 2 malillugit nalunaarutiginninnermut atatillugu suliamut atortut pisariaqartinneqartut kommunip qimatap nassiutissavai, matumani naliliinerit attuumassuteqartut pillugit eqikkaanerit, suliami kommunip suliarisimasai ilanngullugit.

Immikkoortoq VI

Inaarutaasumik aalajangersakkat

Kapitali 12

Atuutilersitsinermut- ikaarsaariarnermullu aalajangersakkat

§ 32. Nalunaarut ulloq 1. april 2024 atuutilissaaq.

Imm. 2. Danmarkimi aamma Kalaallit Nunaanni neqeroorutini ulloq unnuarlu najugaqarallarneq pillugu Nalunaarut nr. 136, 28. november 2023-imeersoq atorunnaarsinneqassaaq.

§ 33. Piffissamiit nalunaarutip atuutilersinneqarneraniit qallunaat imaluunniit kalaallit kommunalbestyrelsiinit aalajangiinernut nalunaarut atorneqassaaq.

Imm. 2. Nalunaarummi 1. april 2024-ip kingorna § 16 atorneqassaaq, eqqartuussivik § 16, oqaaseqaammi siullermi taaneqartutut aaliangiippat.

Isumaginninnermut-, Ineqarnermut- aama Utoqqarnut ministereqarfik, ulloq xx

Pernille Rosenkrantz-Theil

/ Anita Hørby